

**Sewε shyen woo ηa  
ZHAN  
wila yonlogo ma torogo  
Sewε wi nawa senre**

Zhezu pitunjo Zhan, wo ηa wila pye Efezi ca legilizi wi yεkelewe, wo wila ki sewε jεεε na li yonlogo mali torogo legilizi wa kan. Wa sewε wi ni, Zhan wuu yεε naga we na ma yo wi yen legilizi leleε. Wila sewε wi torogo legilizi ηa kan wila pye wa Efezi ca kanngaga na tara ti ni. Wila legilizi wi taanla jele ni, a legilizi woolo poro pye paa wi piile yen. Ki kala na, wi yen naga legilizi wi yinri «japɔrɔwɔ». Wo jate wi yen legilizi ηa ni, wo yen sewε wuu torogo legilizi ηa kan wi legilizi yenle.

Zhan wi yen naga yenri ki legilizi woolo pe yeri fo pe pe yεε ndanla konaa pe pe yεε yingiwe jen nagafenne yagboyoolo pe ni. Na ki leele pele ka pan wa pe yeri, paga ka pe yaara wo yere.

**Sewε wi yen ma koonlo yεge ηga na**

Sewε wi lesaga senre konaa sharaga 1-3

Mbe yεε ndanla konaa mbe je yagbogowo nagawa senre ti na 4-11

Sewε wi kosaga senre konaa sharaga punjo wogo 12-13

*Sewε wila torogo ηa yeri  
konaa wi sharaga*

<sup>1</sup> Mi ɲa legilizi leleε, muwi mila ki sεwe ɲa wi torogi mboro jεle Kiriya† ma kan, mboro ɲa Yenɲεle li wɔ we, naa ma piile pe kan. Ye yen mala ndanla kaselege na. Mi nunɲba ma ye yen ma ndanla, εen fɔ, mbele fuun pe yen ma kaselege ki jεn, ye yen ma pe ndanla fun,

<sup>2</sup> katugu kaselege ki yen we ni, ki yaa si koro we ni fɔ sanga pyew.

<sup>3</sup> Yenɲεle na li yen To, lo naa li Pinambyɔ Zhezu Kiriwi ni pe yinmε kan we yeri, pe we yinriwε ta, pe yeyinɲge kan we yeri, jango we ki yarikanra ti ta kaselege naa ndanlawa ni.

### *Kaselege naa ndanlawa*

<sup>4</sup> Kì pye na yeri nayinmε jεmbε maga yan fɔ ma piile pele yen na tanri kaselege ki na, paa yεge ɲga na we To wigi yo ma we kan we.

<sup>5</sup> Ki kala na, sefɔ jεle, koni, mila ma yenri fɔ: We ni fuun we we yεε ndanla. Ki wogo ɲga mila yonlogi yεεn, ki woro ɲgasele fonno. Ki ɲgasele lo wè ta maga le wa ki lesaga ki na.

<sup>6</sup> Ndanlawa powi mba fɔ yaa tanri yaa yala Yenɲεle li ɲgasegele ke ni. ɲgasele na yè logo maga le wa ki lesaga ki na loli na fɔ ndanlawa mbe pye ye sɔgowɔ.

<sup>7</sup> (Mì ko yo ma), katugu leele fanlafenne legerε jagara laga dunruya wi ni. Paa yenle mbe yo Zhezu Kiriwi wì pan ma lewee wire le. Lere ɲa wi maa ko piin ma, wo wi yen leele fanlafɔ we, ma pye Kiriwi winfɔ.

---

† **1:1 1.1:** *Kiriya* wi mbe ya pye legilizi wo wa, wi *piile* poro mbe pye legilizi woolo poro.

<sup>8</sup> Ye ye yεε yingiwε jεn, jaŋgo tunŋgo ŋga yε pye kiga ka jɔgɔ, εεn fɔ, yege tɔnli wi ta wi yεε yɔn fili.

<sup>9</sup> Lere ŋa fuun wii koro Kirisi wi nagawa sεnrε ti na, εεn fɔ, nεε ka tari ti na na kee yege, Yεnŋεle li woro ki fɔ wi ni. Lere ŋa ka koro wi nagawa sεnrε ti na, Tofɔ wo naa wi Pinambyɔ wi ni pe yen ki fɔ wi ni.

<sup>10</sup> Na lere wa ka pan wa ye go mbe pan mbe ye naga, na wii pan ki nagawa sεnrε ti ni, yaga kaa le wa ye go, yaga si kaa shari yεε.

<sup>11</sup> Katugu lere ŋa kaa shari, wi ma pye wi pinleyenle wa wi kapyere tijangara ti ni.

### *Sεnrε puŋgo woro*

<sup>12</sup> Kagala lεgere yen na yeri mbe yo ye kan, εεn fɔ, mi woro na jaa mbe ke yɔnlogɔ sεwε na lankiri tɔnmɔ ni. Mi yen naga sɔnri mbe kari wa ye yeri we sa we yεε yan we yo, jaŋgo we nayinmε pi ta pi yɔn fili.

<sup>13</sup> Ma nɔsepyɔ sumboro<sup>†</sup> ŋa Yεnŋεle li wɔ fun wo naa wi piile pe ni pɔɔn shari.

---

<sup>†</sup> **1:13 1.13:** *Nɔsepyɔ sumboro* ŋa wi sεnrε tila yuun, wi mbe ya pye legilizi ŋa sεwε yɔnlogɔfo wi yen wa we.

**Bibulu Jinmiire ni  
Sénoufo, Djimini: Bibulu Jinmiire ni Bible**

copyright © 2014 Wycliffe Bible Translators, Inc.

Language: Djimini Senoufo

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 18 Apr 2025 from source  
files dated 29 Jan 2022

a4863791-1c91-5f31-9a8f-034a18a2f8d8